

სახელმწიფო შესყიდვების შესახებ ხელშეკრულება №7
ელექტრონული ტენდერი პრეკურანთით SPA210003283

ქ. ქუთაისი

30 დეკემბერი 2021 წელი

ერთის მხრივ, სახელმწიფო რწმუნებულის ადმინისტრაცია, (შემდგომში `შემსყიდველი“) სახელმწიფო რწმუნებული ზვიად შალამბერიძის სახით. (მისამართი: 4600, ქ. ქუთაისი, შ. რუსთაველის გამზ. #3, ტელ: 24-24-14) და მეორეს მხრივ შპს „თაგეტა მოტორსი“ (ქ. თბილისი, დავით აღმაშენებლის ხეივანი N129, ს/ნ 202177205 (შემდგომში „მიმწოდებელი“) მისი უფლებამოსილი წარმოდგენილის ფინანსური დირექტორის მინდობილი პირის ჟორა რუხაძის (ბრძანება N124, გაცემული 2021 წლის 30 აგვისტოს შპს „თაგეტა მოტორსის“ ფინანსური დირექტორის მიერ) სახით.

ვდებთ წინამდებარე ხელშეკრულებას შემდეგზე:

1. ხელშეკრულების ობიექტი და კლასიფიკატორის კოდი

1.1 იმერეთში სახელმწიფო რწმუნებულის ადმინისტრაციის ბალანსზე მყოფი ავტომანქანისათვის (ელექტრონული ტენდერი პრეკურანთით) ავტოსატრასპორტო საშუალებების სათადარიგო ნაწილების შესყიდვა და მასთან დაკავშირებული თანმდევი მომსახურება.

1.2. cpv კოდი – 50100000.

2. ხელშეკრულების ღირებულება

2.1 ელექტრონული ტენდერი ხელშეკრულების საერთო ღირებულება შედგენს 33000 (ოცდაცამეტიათასი) ლარს

2.2 ხელშეკრულების ღირებულება მოიცავს სათადარიგო ნაწილების შესყიდვას და მასთან დაკავშირებული თანმდევი მომსახურებისათვის საჭირო ყველა ხარჯს, მათ შორის კანონმდებლობით გათვალისწინებულ ყველა გადასახადს.

2.3 ავტოსატრანსპორტო საშუალებების სათადარიგო ნაწილების შესყიდვა და მასთან დაკავშირებული თანმდევი მომსახურებისათვის საჭირო ერთეული ფასები მოცემულია ფასების ცხრილში (პრეისკურანტი), რომლის ჯამური ღირებულება შეადგენს 987180.15 (ცხრაასსამოცდაშვიდი ათას ასოთხმოცი ლარი და თხუთმეტი თეთრი) ლარს.

3. ხელშეკრულების შესრულების კონტროლი

3.1 ხელშეკრულებით გათვალისწინებული პირობების შესრულების კონტროლი განხორციელდება სახელმწიფო რწმუნებულის ადმინისტრაციის უფლებამოსილი სტრუქტურული ერთეულის მიერ - სახელმწიფო რწმუნებულის სტრუქტურული ერთეულის აპარატის მეორე კატეგორიის უფროსი სპეციალისტის ლია ჯანელიძის მიერ.

4. საქონლის მიწოდების პირობები და ვადები

4.1 „მიმწოდებელი“ ვალდებულია სათადარიგო ნაწილების და მასთან დაკავშირებული თანმდევი მომსახურების მიწოდება განახორციელოს ხელშეკრულების დადებიდან 2022 წლის 30 დეკემბრის ჩათვლით.

4.2 „მიმწოდებელი“ ვალდებულია გადასცეს „შემსყიდველს“ ხარისხიანი საქონელი და მომსახურება.

4.3 შესყიდვა უნდა განხორციელდეს ხელშეკრულებაზე თანდართული დანართი #1-ის (ფასების ცხრილი) მიხედვით.

5. შესყიდვის ობიექტის მიღება-ჩაბარების წესი

5.1 „შემსყიდველი“ შესყიდვის ობიექტის მიღებას მოახდენს ეტაპობრივად, ფაქტიურად გაწეული მომსახურების შესაბამისად.

5.2 შესყიდვის ობიექტი ჩაითვლება მიღებულად შემდეგი ერთ-ერთი დოკუმენტაციის წარმოდგენისას:

ა) მიღება-ჩაბარების აქტის გაფორმების შემდეგ;

ბ) მიწოდებული საქონლის შესაბამისი ამოწერილი დღგ-ს ანგარიშფაქტურის წარმოდგენით.

6. ანგარიშსწორება

6.1 ანგარიშსწორება განხორციელდება „მიმწოდებელი“-ს მიერ შემდეგი დოკუმენტაციის წარმოდგენისას:

ა) ფაქტიურად მიწოდებული საქონლის დასახელება, რაოდენობა და ღირებულება;

ბ) მიღება-ჩაბარების აქტი;

გ) მიწოდებული საქონლის შესაბამისად ამოწერილი დღგ-ს ანგარიშფაქტურა ;

6.2 ანგარიშსწორების ფორმა იქნება: უნაღდო (გადარიცხვა) ლარებში.

6.3 ანგარიშსწორების ვადა სათანადო დოკუმენტების წარმოდგენიდან 10 (ათი) კალენდარული დღე.

6.4 ანგარიშსწორება განხორციელდება „სახელმწიფო ხაზინის მომსახურებაზე მყოფი ორგანიზაციების მიერ გადახდების განხორციელების წესის შესახებ“ საქართველოს ფინანსთა მინისტრის 2014 წლის 31 დეკემბრის N424 ბრძანების შესაბამისად.

7. ხელშეკრულებაში ცვლილების შეტანა

7.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

7.2 ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები „შემსყიდველი“ ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.3 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

9. მხარეთა უფლება-მოვალეობები

9.1 „შემსყიდველი“ უფლებამოსილია:

– მისაწოდებელი საქონლის (ავტომობილის სათადარიგო ნაწილები) და მასთან დაკავშირებული თანმდევი მომსახურების დასრულებამდე ნებისმიერ დროს მოითხოვოს „მიმწოდებლისგან“ მისთვის საჭირო ინფორმაცია

9.2 „შემსყიდველი“ ვალდებულია:

– უზრუნველყოს „მიმწოდებლის“ მიერ მიწოდებული საქონლის (ავტომობილის სათადარიგო ნაწილების) და მასთან დაკავშირებული თანმდევი მომსახურების ანაზღაურება ხელშეკრულებით გათვალისწინებული ვადების და პირობების დაცვით.

9.3 „მიმწოდებელი“ უფლებამოსილია:

– მოსთხოვოს შემსყიდველს მიწოდებული საქონლის (ავტომობილის სათადარიგო ნაწილების) და მასთან დაკავშირებული თანმდევი მომსახურების ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

9.4 „მიმწოდებელი“ ვალდებულია:

– დროულად და კეთილსინდისიერად შეასრულოს ხელშეკრულებით ნაკისრი ვალდებულებები.

10. ხელშეკრულების პირობების შეუსრულებლობა

10.1 დაუძლეველი ძალის გარდა მიმწოდებლის მიერ ხელშეკრულების პირობების შეუსრულებლობის ან/და დაგვიანებით შესრულების შემთხვევაში გამოიყენება საჯარიმო სანქციები.

10.2 ხელშეკრულებით გათვალისწინებული პირობების დაგვიანებით შესრულებისათვის ყოველ ვადაგადაცილებულ დღეზე „მიმწოდებელს“ ეკისრება პირგასამტეხლო ხელშეკრულების შეუსრულებელი ვალდებულების 0,1%-ის ოდენობით.

10.3 იმ შემთხვევაში თუ საჯარიმო სანქციების ჯამური თანხა გადააჭარბებს ხელშეკრულების ღირებულების 5%-ს, „შემსყიდველს“ უფლება აქვს შეწყვიტოს ხელშეკრულება.

10.4 ხელშეკრულების (სრული ან ცალკეული ნაწილის) შეწყვეტის კანონით დადგენილი წესით დადასტურების შემთხვევაში, მხარე გადაიხდის პირგასამტეხლოს, სახელშეკრულებო თანხის 10% -ის ოდენობით

10.5 საჯარიმო სანქციის გადახდა არ ათავისუფლებს მიმწოდებელს ძირითადი ვალდებულებების შესრულებისგან.

11. ხელშეკრულების შეწყვეტა

11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობების მოქმედების შეწყვეტის შესახებ.

11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი. აღნიშნული შეტყობინება უნდა მიეწოდოს მეორე მხარეს დაუყოვნებლივ გადაწყვეტილების ძალაში შესვლამდე.

11.3 ხელშეკრულების შეწყვეტა პირობების დარღვევის გამო არ ათავისუფლებს „მიმწოდებელს“ ხელშეკრულების შეუსრულებლობისათვის გათვალისწინებული პასუხისმგებლობისაგან.

12. დაუძლეველი ძალა

12.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეულ პასუხისმგებლობისგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ;

12.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

12.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

13. სადაო საკითხების გადაწყვეტა

13.1 მხარეები უნდა შეთანხმდნენ, რომ წამოჭრილი დავები გადაწყვეტილი იქნას ერთობლივი მოლაპარაკების საფუძველზე.

13.2 თუ შემსყიდველი და მიმწოდებელი მოლაპარაკების დაწყებიდან 30 (ოცდაათი) დღის განმავლობაში ვერ მიაღწევნენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

14. გადასახადები და დაბეგვრა

14.1 ადგილობრივი „მიმწოდებელი“ პასუხს აგებს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე.

15. ხელშეკრულების მოქმედების ვადა

15.1 წინამდებარე ხელშეკრულების მოქმედების ვადაა – 2023 წლის 31 იანვრის ჩათვლით.

15.2 ხელშეკრულება შედგენილია ორ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან, 1 (ერთი) პირი „მიმწოდებელთან“ და 1 (ერთი) პირი „შემსყიდველთან“.

16. მხარეთა რეკვიზიტები და ხელმოწერები

შემსყიდველი:

იმერეთში სახელმწიფო

რწმუნებულის ადმინისტრაცია

მის: ქ. ქუთაისი, რუსთაველის გამზ. №3

სახელმწიფო ხაზინა, სახაზინო კოდი 1300

ს/კ 212709586

სახელმწიფო რწმუნებული

მიმწოდებელი:

შპს. „თეგეტა მოტორსი“

მის: ქ. თბილისი, აღმაშენებლის ხეივანი N129

ს/კ 202177205

მფო: TBCBGE22

ანგ: GE80TB0600000024467853

ზვიად შალამბერიძე

ფინანსური დირექტორის მინდობილი პირი

ჟორა რუხაძე